



踏海集
七津

19



99

9

1

上

留
田
記

服部文庫
117
2099
9



10



117 特
2099
9



七言律

寄題懷仙閣

城東仙閣倚氤氲，玉樹金莖對檻分。
幾歲滄洲能駕鶴，千秋紫氣自知君。
日懸霄漢迴雙闕，夜敞星辰拂五雲。
此去帝居纔咫尺，鳳簫時向月中聞。

中秋泛江

大江秋滿興悠哉，萬里觀濤濁酒杯。
明月忽從鼇首出，長風遙送客槎來。
夜光寒動驪龍窟，海氣晴開玉女臺。
安擬枚乘裁七發，仙帆直欲到蓬萊。

九日送別

去矣天涯旅服單，嚴霜此日下江干。
已含千里河梁恨，無奈雙鳧南北看。
渤海秋陰迷別路，關山木葉促歸鞍。
黃花更送重陽色，短髮臨風帽自寒。

贈華玉

苦憶山陽一酒卮，醉中青眼舊相知。
謾言雄劍終難合，更問明珠投向誰。
書就豈應同叔夜，調高元自少鍾期。
近來交態何疎索，還使吾曹命駕遲。

鹿洲觀海

海氣蒼茫駭水中，扶桑極目對長風。
東南忽盡蜻蜒國，日月遙含碣石宮。
怒浪衝天雷勢激，崩雲觸岸雪華空。
壯觀都入玄虛賦，萬古誰能得競雄。

送人歸隱兌道

皇城近指白雲隈，一壑東南去不回。
帝子風塵悲異

代鳳凰今古有荒臺許瓢好向清川汲禹苗遙通淡
海來秋冷薜蘿堪授服更知靈媛待君裁在

和某公月夜登省中樓之作

千門宿衛五雲邊劍佩聲收轉肅然夜冷明光閑對
月樓高咫尺欲窺天紫宮晴傍龍顏啟玉露秋臨仙
掌懸起草由來誰得比彩毫新擬謝莊篇

送久世君使監荒河之役

關中列郡日相望已報輶車發建章河勢忽隨龍節
轉地形遙接鳳城長漢庭含命黃金賜禹跡巡功画

省郎見說桃花春水穩自應佳氣滿宣防

春日宴某侯墨水莊二首

清江流水繞橫塘宴賞疑遊金谷莊北渚烟侵芳草
暖東園花對綺筵香捲簾柳絮春如雪勸客醑釀酒
蒲觴別有池亭通画舸醉歌更入採菱長

莫道良辰嘉會難使君春興滿杯盤即看琴瑟逢多
暇况復風光促罄歡水閣含晴連繡幕江帆送色入
朱欄但緣歌吹能留客落日花間宴未闌

中秋獨酌

江天搖落武昌東，病起登樓思不窮。明月故山寒桂樹，清砧今夜送秋風。浮雲忽向鴻邊盡，濁酒誰應客裡同。強自把杯難作醉，蕭條回首歎飄蓬。

飲馬長城窟

秦皇當日築長城，城外窟寒流水清。胡地健兒常飲馬，漢家飛將復提兵。關門夜掛烽烟色，幕下秋高戰伐情。鐵騎如雲齊攬轡，遙知漠北作橫行。

九日遊山寺

雲裡蓮宮少客攀，何妨獨往到廬山。重陽把菊祇園

名

攬

下落日登臺兜率，間初地歲華啼鳥弄雙峰。秋色老僧閑，陶家酒酒誰相送。散髮逃禪晚未還。

送人歸隱西京嵯峨

十歲風塵客跡深，天涯興盡一抽簪。歸來賣藥長安裡，老去逃名洞壑陰。落日嵐山當隱几，清秋桂水入鳴琴。知音唯有相思夢，遙夜直乘明月尋。

送原生歸海西

匹馬翩翩氣壯哉，行裝六月海西回。即知君有凌霄翮，此去誰同避暑杯。玉筍過關東道險，華城解纜大

江開布帆無恙時，相憶到日緘書莫惜裁。

早春寄懷友人客居總北二首

遲日登樓憶所親，晴光千里一傷神。已聽黃鳥鳴幽谷，且見新梅媚上春。燕趙論交曾結客，風塵避跡遠依人。只今誰得知名姓，正好投竿東海濱。

清江一望晚悠悠，總北風光入客愁。落日書來鴻雁渚，芳樽春滿鳳凰樓。謾思朋好含杯興，無那龍鐘仗劍遊。借問萍蹤何所似，淼茫滄海有扁舟。

送慈麟禪師歸加州大乘寺

鐘

大乘名利倚空山，閑士金輪向北還。已見摩尼光自動，遙知蘭若境偏閑。孤雲縹緲江湖外，客路崎嶇信越間。更憶龍華三會地，勝因能得幾時攀。

九日霞關集送新帥公奉使浪華得五微

漢庭仙使自輕肥，此日乘驄授客衣。祖席香醪堪盡醉，龍山嘉會豈應違。貌貅宿衛元稱帥，驛路風霜凜有威。見說金城千里固，長臨西海輔京畿。

歲杪送安達道士歸故山玉泉觀二首

小角仙人不可從，名

別歲云

暮洞裡歸來雪滿峰，夜欲架橋堪使鬼，朝看乘杖化
為龍。聞君更受神符去，石室深藏好自封。
都門分手朔雲生，君去偏如飛鳥輕。一向吾曹聊玩
世，豈期仙客此同盟。但言五嶽遊將遍，復見千秋業
已成。歸興故山誰共好，臨溪獨挹玉泉清。

聽潮館集得六魚

使君亭館上頭居多暇，閑筵興有餘。苑後江湖傳響
處，樽前春鳥弄晴初。把杯階樹花齊發，勸客盤飧玉
不如。但為滄洲接朱邸，風流能自混樵漁。

送管長卿之西京謁北野廟

關中河嶽此西征，賦就應憐今古情。遙見彩雲通紫
極，更知祖廟鎮皇城。祠壇五夜窺精爽，俎豆千秋自
肅清。始信文章有神助，君家博士世傳名。

秋日送松叔豹歸省北越

負笈諸生越徼回，都門祖送暫徘徊。三秋陟岵白雲
起，千里思家落木催。北陸河山驚邈矣，西風湖海入
悲哉。行人安穩無窮路，到日斑衣好為裁。

妾薄命

良家兒女漢宮粧錦帳繡成雙鳳凰征馬北風嘶
海昭君中夜侍戎王玉門關外秋鴻度白草城邊
月光相顧誰憐妾薄命空令紅淚濕羅衣

春晴集金井侯池館

滿園佳氣鳳城東太守開樽酒不空北海尋常堪
醉客蘭臺百尺倚雄風簾前流水春彌綠花外晴霞晚
更紅總是高陽池上侶共憐嘉會興無窮

過谷君長墨水舊居

負郭田園一草堂主人安在白雲鄉琴書已矣塵空

掩門巷蕭然跡就荒暮笛他時思叔夜秋風落日滿
山陽招魂更上長堤望墨水悠悠淚濕裳

永代橋望西山晴雪同用一東

百尺龍橋望不窮三峰積雪掛遙空寒光日射帆檣
外秀色晴浮滄海東影滿鳳城雲自散氣擎仙掌曉
初通天邊極目飛揚甚奮翮將朝白帝宮

送福子幹之濃州巖邑

十歲窮愁書已成黃金新賜趙虞卿侯家寵遇堪虛
左藝苑風流舊擅名路入岐岨臨九折山連巖邑擁

孤城此行何更辭艱險好荅夷門執轡情

送德田氏遊宦京師

將向京華候紫垣百年微祿豈容論周官舊著朝廷籍漢省纔分雨露恩歲祭山川天使下時看玉帛有司存但言王事偏多暇正好常遊丞相門

奉和金井侯謁陵之作

先朝陵寢翠微間隨例群公伏謁還夢捧鳳翔開玉殿地含龍勢擁青山千秋不盡風雲氣此日猶看鷺鷥班依舊歲寒松柏色高標元自少人攀

金井侯新樓宴集時值至日

高樓新倚彩雲隈此日青霄獻屨回猶見逢迎遺綬冕更移琴瑟共徘徊氣連金闕憑軒望暖擁華筵入酒來百尺構成須自愛非君誰是棟梁才

賦得夢美人彈箏

洞房春夢夜紛紛帳裡鳴箏過楚雲坐覺餘音歸縹緲暗含清怨倚氤氳停絃顧眄心將語背燭徘徊影自分彷彿曲終欹枕處五更風雨不堪聞

子徵子良將歸張海余時有弟喪

鶴鴿原上倚黃昏，握手踟躕草露繁。
駒隙百年丘隴駐，雁行四海爾曹存。
歸歟將共江湖興，逝矣難招冥漠魂。
何事死生同作別，衰顏獨自掩啼痕。

早秋奉送山縣侯歸封金井城

玉帛朝辭帝鑑宮，使君行色倚驂驄。
山川漸轉雙幡外，驛路遙連千騎東。
關入白河秋已動，城稱金井鎮偏雄。
憑高且眺封疆大，製錦應緣彩筆工。

送新井田氏歸松前

歸程萬里入遙空，客有揚鞭逐塞鴻。
邊郡更過南部

大蕃城高倚北溟，雄蝦夷國擁窮荒地。
山海經傳異俗風，鄉黨且期蒙汝化。
他時不讓蜀文翁。

子昌村居

野徑斜通竹樹陰，相携村興入幽襟。
即看沮溺為隣住，且愛田園繞屋深。
地靜鳴鳩催懶睡，籬疎流水送清音。
莫言城遠無供給，濁酒堪酬避世心。

士寧華玉約與余泛舟墨水詩以促之

苦思把酒上仙舟，潦倒將隨李郭遊。
錦纜風清堪避暑，金樽月出忽生秋。
江流自傍披襟動，夜色遙連吹

笛浮此興人間難可得期君携子向滄洲

友人宅守歲

相逢樽酒故人廬四壁風霜滿歲除五夜更看星斗
轉百年無那鬢毛疎唯應醉態酬知己何用窮愁問
著書共道吾曹携手好陽春明日遍樵漁

七月七日烏羽侯新就國作此奉送

玉露金莖漢闕頭星河遙送旆旌流好憑熊軾臨藩
鎮不比仙槎犯斗牛十五國風東海道芙蓉嶽色白
雲秋封疆民庶爭迎拜到處謳歌擁紫駟

九日聽潮閣宴集分韻豪字

聽潮閣上此登高開宴黃花泛酒醪但怪雲霄纜咫
尺那思冠冕對吾曹含杯澤國連搖落倚檻秋晴靜
海濤佳節龍山何限興詩成滿坐不停毫

寄題日出侯望海樓

海上朝開日出光城樓高擁對扶桑坐來登眺山河
固占得封疆歲月長萬里潮生連睥睨九州天盡入
蒼茫鯨波不起西溟靜正好絃歌醉玉觴

江村客夜

江村投宿不成眠，撫枕歸心夜杳然。
楚塞寒鴻空自度，長沙遷客有誰憐。
潮回石岸灘聲激，雨暗蘆洲燈影懸。
坐覺孤身無處寄，故園千里隔風烟。

醉美人

宮殿沈沈靄日華，美人春醉駐紅霞。
但思仙掌分清露，懶画娥眉侍大家。
玉柱謾移朱瑟調，金釵猶護綠雲斜。
下階羅鞵從將解，數步還迷內苑花。

携家重遊函谷三首

十年猶記舊山川，回首重窺函谷天。
舉室相携巖壑

下投，居高倚岫雲邊。長安幾日過關去，蜀道千盤擁樹懸。
裘褐未酬俱隱志，五噫深愧伯鸞賢。

玉笥峰陰東澤隈，烟霞無恙再徘徊。
唯憐痼疾終爲性，更喜溫泉堪洗埃。
灌木連雲山勢合，懸流穿石雨聲來。
應須晚膳供薇蕨，僮僕時隨樵者回。

懸厓百尺此登樓，滿眼山光入昔遊。
幽壑響傳仙嘯落，連屏翠傍客顏浮。
林深白日松杉冷，窟暗玄雲虎豹愁。
耕織我曹生事足，他時將著鹿皮裘。

贈烟波釣叟

白髮乾坤一釣槎，老來湖海未爲家。
西江夜月滄浪曲，北渚秋風蘆荻花。
何用卧高依帝座，但憐機息靜鷗沙。
片心不繫人間世，鼓枻烟波跡自遐。

墨梅

見說神人冰雪姿，天真無恙影參差。
且懸夜月朦朧色，不辨春風南北枝。
獨處但應誇綽約，仙粧何用倚臙脂。
氤氳坐怪寒香動，正是羅浮夢斷時。

題留侯圖

千歲留神孺子顏，溫然圯上受書還。
祖龍畏影雷霆

激韜晦收威，天地閑三寸。每談王者側，指揮寧事馬。
蹄間俱成漢業，蕭韓輩避穀終慵。列此班。

諸君集子綽宅余病負約賦贈

詞客同傳春酒觴，新年醉興滿高陽。
共誇文運歸吾黨，轉見才名自雁行。
彩筆如林花綺麗，青霄奮翮日飛揚。
獨憐蒲柳蕭條色，孤負風光倚草堂。

和鳴歸德獻歲之作

玉漏傳籌漢殿閑，詞臣鳴佩入班來。
先朝寵遇勒銘選，西苑風流托乘才。
仙掌曉懸雙闕外，主恩春發五

雲隈錦袍拜賜歌新曲，坐覺丹墀暖自回。

贈仲明

故人隣並靜茅茨，謝客棲遲赤水涯。非有拂衣爭
米，還能緩帶避驅馳。歲年戶牖常深閉，咫尺園庭亦
不窺。但道病軀耽典籍，此生何用覓相知。

旭辨師歸勢純貞師歸張作此贈別

雲遊幾歲共江湖，故國為隣跡不孤。但道蓮華歸各
社，更知滄海掛雙珠。牛車日轉關山遠，客館秋清月
露殊。見說光明堪並照，津梁到處是吾徒。

牖

畝

九日奉贈金井侯

散髮踈慵孟萬年，蓬蒿脫帽擁愁眠。欲將酣暢酬佳
節，那得風流接盛筵。數畝菊花侯苑色，無邊秋雨鳳
城天。不妨絲竹登高興，百尺樓臺紫陌前。

十日新晴晤賞館集得一先

黃花駐色苑牆邊，爽氣纔開積雨天。鳳闕新晴連邸
第，龍山餘興共周旋。三秋搖落含杯外，十日交歡拄
笏前。悟賞由來存目擊，此心將向醉中傳。

歲杪田中山客遊京師作此寄懷

羨爾西征賦已傳神州佳麗滿山川足看周邵爲風
首始信長安近日邊遊子歲寒思遠道斷鴻湖海望
遙天窮陰坐促離群恨更恐東歸或隔年

元日贈早朝諸公

鷄鳴幾處促朝裝車騎憑陵陌上霜非有衣冠纔辨
色那知鶴鷺已成行千官隨例三元典玉樹高擎金
闕光晏起野人開戶牖負暄先自試初陽

江允清歸北越別後無音問遙有此寄

都門憶昨送將歸一別蒼茫尺素稀塞北雲陰仍雨

雪江東風色已芳菲但言鴻雁關心切坐覺居諸轉
眼非知爾放歌春自好十年無恙故山薇

望富嶽

海上神山歷岱宗大東擎出玉芙蓉削成萬仞雲霄
敞仰止千秋氣色重足鎮扶桑初日國長誇諸嶽丈
人峰帝王七十空今古借問誰能向此封

少林院同送秋玉山野脩二子歸西肥得今

得今字

把酒嚶鳴集少林離筵解道鳥驚心那堪路上驪駒

伯

唱且倚庭前柏樹陰落日關山連海氣諸天樓閣送
潮音同乘一葦歸西土李郭風流自古今

送島子行并引

大坂留臺為誰即子行所仕井上侯也子行業
醫常以豪爽自喜從侯而西夫大坂四方輻湊
之地繁華富饒天下無比余也攝人其謠俗風
尚固既悉之則知其間必有適乎子行之意者
矣賦贈數言以代三疊云

留臺行色動雙旌爾去西從千里程重鎮金湯因霸

適

跡上游東北受皇京只今富厚歸藜庶當日風塵用
甲兵此地豪華稱俠窟何人更得比君卿

秋初過肥藩米大夫邸舍同用灰韻

休論林下共徘徊邸舍相逢青眼開誰比大夫工作
賦且容狂客此含杯捲簾南陌炎塵遠拄笏西山爽
氣來坐久玄言消白日從他文薄更成堆

古戰場

割據山川逐鹿年三軍金鼓此周旋野蒿埋沒連營
地沙岸縈迴飲馬泉暮雨荒丘迷鬼哭秋霜枯骨有

誰憐廢興今日俱陳跡，悵望空裁吊古篇。

九日米大夫席上作

鳳城秋樹五雲間，極目登樓晚未還。且泛黃花頻把酒，高臨紫陌此開顏。大夫寧負重陽興，坐客同偷半日閑。自是留歡催賦色，風流何羨醉龍山。

金井侯有伉儷之感詩以奉慰

三秋金屋夢難成，翠幄愁窺孤月傾。幾歲梁盛同奉祀，一朝琴瑟寂無聲。階庭尚駐芝蘭色，配匹空傳秦晉名。莫向高唐催作賦，楚天搖落不勝情。

奉贈大僧正定月尊者移住增上寺

淨業真源白社宗，三千龍象此相從。新闢上界金蓮座，並對西天華頂峰。陵寢近連香閣起，鬱葱無盡彩雲封。豈惟四衆齊瞻仰，幾歲祇園有偃松。

冬初同集子昌田莊滕子宥當直不至

田間秋盡日，蕭疎一路風。霜落木餘魏闕，青雲違我輩。翬歌濁酒此躊躇，共忘帝力遊真境。孰與郎官倚直廬，尚有西山堪送爽。那無拄笏憶樵漁。

僧房守歲

寒更閑對虎溪僧蓮漏沈沈響欲凝交臂爾時驚代
謝履霜今夜此憑陵唯憐老樹添經臘且照空堂無
盡燈不管明朝新歲至禪心依舊玉壺冰

人日贈井君祥并引

逝矣西肥君祥之業在陟彼岵兮是日也太公
八十壽辰鄉黨宗族稱觴一堂上於彼則僚友
蓋簪詩酒相將遙上其壽亦於此而君祥一喜
可知矣所以有此贈

看君裘馬宦遊羊上國風光春可憐柏葉猶開人日

酒烟霞纔媚鳳城天但言家在西溟住更望星當南
極懸好擬萊衣成五色新花遙入綵毫傳

早春葛陂舟行寄友人

興來寧擬剡溪人短棹延緣問水濱地轉葛陂迷近
遠冰開葦岸入陽春滄浪色傍輕鷗靜紫塞晴迎歸
雁新寄語繁華都邑子休將裘馬度紅塵

五日鸞嘯閣雨集得侵韻

侯臺嘉會簇華簪雲霧天邊對檻深非但綵絲迎午
節堪將麗句入鸞音醉顏同奪榴花色積雨遙迷城

關陰詞客侍筵今日興更無人擬楚臣吟

白賁亭成小集得時字

西郊新築愜幽期客至開窗野鳥窺豈擬丘園迎東
帛纔看竹樹繞踈籬村醪興熟傳杯處世事心閑岸
憤時自愛清虛容膝室好將生白賁茅茨

夏日新晴奉陪熊本侯遊少林精舍得孤字

君侯多暇此踟躕鐘梵聲清境自殊坐覺薰風生寶
界且憐耳露灑冰壺梅檀樹密香臺起堯率雲開白
日孤共道追隨恐不淺偏令我輩避塵衢

表海樓避暑雷雨奄至同用陽韻

百尺樓臺望淼茫登臨六月此飛觴壯遊寧與袁紹
比豪氣高臨淮海揚座近雲霄雷起響筵閑錦綺電
添光炎塵洗卻傾盆雨忽使人間蘇晚涼

早秋贈別邊伯錦病起歸省洛陽

卧病頻年滯宦遊那堪偏遺老親憂起來鞍馬臨歸
路行見關山入早秋蒼海曉懸孤月渺白雲天擁帝
城浮高堂應計趨庭日莫擬河梁携手留

奉送守山侯之常陽上瑞龍山先隴便道

谷磯濱溫泉

宗藩本府殿常州寵命殊容展舊丘能軾暫辭青瑣
闈龍山行望白雲秋千年血食堪追遠幾世精靈此
可求更想將歸遵海岸應逢仙液與潮流

秋日墨水泛舟

西風朝朔墨河流極自蒼茫總北秋岸轉迴看城闕
遠天開不盡水烟浮長堤木落留孤塚古渡潮通劃
二州沙鳥近久無意起停橈且問王孫遊

春日送海雲上人從騰海老師之能州總持

寺

知君衣鉢奉師年心印由來誰得傳但道能州通北
陸同尋祇苑向西天青春駘蕩登臺外紫塞山河拄
杖前真諦縱非關藻飾行收色相入雄篇

山齋早春

一草堂成足隱淪推窗試見歲華新朝陽自散烟霞
色雪水纔通澗壑春醉裡寧開雙白眼興來閑戴小
烏巾且憐幽鳥知機息啼報芳辰不避人

肥藩米大夫有書寄此以荅

歸鴻南北尺書來紫海春思渺哉十自東都誇賦
筆深知大國有卿材懷人夜月遙天啟屈指寒溫短
髮催千里只今難命駕索居愁絕獨登臺

擬李于鱗署中有憶江南梅花者因以為賦
薊北春風漢署前梅花何處報新年一枝送色西山
雪千里關心南國天笛裡還驚孤月落隴頭空望尺
書傳美人不見羅浮曉客有含香夢寐懸

擬王元美宿香山寺

蓮宮半掩岫雲懸投宿幽襟對老禪境淨毫光開耿

月山空梵響雜鳴泉修心夜壑猿啼定問法秋燈螢
影傳坐覺此生玄路近桂花香冷落諸天

擬梁公實姑蘇懷古

吳地山川弔古遊千年宮觀跡難求浣紗人去絃歌
斷響屨廊空夜月愁柳暗長堤烟裊裊草埋香徑鹿
呦呦五湖春水連天濶何處鳴夷泛釣舟

擬謝茂秦無題

佳人獨處不勝愁望遠徘徊自上樓胡蝶雙飛侵客
夢春風一別且貂裘芙蓉帳冷秦筆急鴻雁天低楚

水流荏苒歲華消息斷無邊，月露入清秋。

擬徐子與都門感舊

再起巖阿到薊門，舊遊星散坐傷魂。桃花悠耀去都
觀氣色依稀紫禁垣，鮑氏玉驄冠蓋盛，潯城銅狄歲
年存。行逢酒肆情無盡，憶昔風流向此論。

擬吳明卿行經桃源

洞口溪迴別有天，追尋且記太元年。幾家少長心無
競，異代風光跡杳然。仄芳林連石岸，山幽丹竈靜。
春烟秦皇竟不知，斯境縹緲空求海上仙。

計 艱

擬宋子相西來

西來烽火又何如，昨日邊庭傳捷書。國討當朝誰得
定，天顏比歲未全舒。九重封賞艱危裡，四海凶荒戰
伐餘。回首滄洲吾道遠，那無衰鬢軟歸歟。

夜月有懷神植卿

白露空庭冷薜蘿，天邊鴻影度關河。武昌夜色南樓
月，築海秋風北渚波。伏枕綈袍情自切，歸家鱸膾興
如何。應思杯酒論交地，醉裡同為爾汝歌。

浪華江子潮契濶二十年一旦計至賦此遙

悼

天涯夢掛舊同盟一別星霜屈指驚落魄他鄉悲往事河山幾處動離情唯知短髮偕垂老豈料重泉忽隔生何日弔君披宿草臨風西望淚縱橫

古城春望

漸柵荒涼彼一時地形猶見繞餘基野花留色空無至流水傳聲欲報誰隴麥漸經春雨秀棲鳥未定夕陽遲古來負險成何業唯有樵蘇躑躅悲

春夜雪後奉懷山縣侯

憶

懷昨歸藩羽北天江湖回首已經年茂陵病色春無恙剡水寒光夜可憐積雪城頭山突兀長雲塞上雁聯翩興來偏但遊梁思賦就登樓望皓然

A table with 12 vertical columns, completely empty of text or markings.

A table with 12 vertical columns, completely empty of text or markings.

百家集四續
卷之

